



葛莊詩鈔

庚辰

遼海劉廷璣玉衡一字在園著

卷十四

庚辰元日途中寫懷疊用石塘前韻

甌有官齋薊有家兩年此日御征車
松寒夏翠三冬色梅老爭香隔歲花
景抑堂開春慶酒 太和
門 賜蚤朝茶何時走馬長安道
柳帶東風拂帽

斜景抑予家堂名

元日風便過嚴州

歲首乘風破浪來
片時飛過釣魚臺
幾條紅燭巖邊廟
一隊新衣岸上孩
竹葉多情招客去
梅花作意促春來
扁舟那得椒盤供
只此征帆亦快哉

睦州覽古

下灘容易上灘難
我獨臨城縱目寬
二水遠來當面合
萬峰爭出向天攢
近傳盛事三元榜
舊仰高風一釣竿
誰向山頭堆亂石
妄稱冬盡此登壇

謬傳方臘將臺曾有十千
加一點冬盡始稱尊之謠

初二日次蘭谿有感

風帆急似離弦箭
近去遠來山劈面
雪殘水氣白於雲
朝餐未了蘭谿見
蘭谿城外泊輕舟
岼上浮屠見也羞
記得舊年是今日
寒燈相伴夜悠悠
今年今日來還去
輿作行臺舟作署
韶華易逝宦浮沉
明年此日知何處

過金華余紫巖太守衙齋宴集

春行熊軾興翩翩
婺女星臨美少年
逆旅勞人來月下
風流太守坐花邊
高吟欲續篇三百
佳釀何當斗十千
更集吳伶新小部
霓裳舞罷奏鈞天

上元次樂清縣

二十年前此戰場承平雖久尚荒涼黃華已作灰
中驛白石猶存火後坊黃華白石皆地名夜不禁風燈是
紙人空負月酒如漿詩成獨向巖邊立到處梅花
一樣香

過窰巖

開嶺自何年高名得半天諺云窰半天雲中橫曲磴樹
杪掛飛泉回首人如螳騰身我欲仙東南一帶碧
是海是桑田

過法雲寺

花宮隱隱灑雲封尋到雲深始一逢當路漫教堆
亂石開門歛爾對高峰須彌幻作三千界羅漢真
成五百松舍此更於何處宿老僧指點大芙蓉村名
由四十九盤至能仁寺

丹嶺層層合梯雲一徑迷鐵鞋剛踏破覓得古招
提

題老僧巖

大得無生意真成不壞身兀然山口立笑引往來

人

題龍湫諾詎羅尊者像

競道峰頭是雁湖水飛成雨滴成珠歸來傳與丹
青手畫幅老僧觀瀑圖

用東坡答周令邠寄雁山圖韻

我亦偷閒學醉翁周環十八梵王宮龍行疾帶潭
中水虎嘯寒生洞口風自昔地名花大小至今山
看鳥西東鴈山有大小芙蓉村東西內外谷卽宋
僧全了所云地以花名山以鳥名者是
也謝公空負搜奇癖鬼斧神工失此中

戲集峰洞各名得十五處

雙鸞石屏初月靈
風一線天展旗卓

筆觀音晏坐玉女梳粧紗帽
幞頭招賢三賢皆峰洞名也

雙鸞飛過石屏前初月靈風一線天何用展旗迎
小隊但須卓筆著新編觀音晏坐雲常護玉女梳
妝雨正懸紗帽幞頭爲誰設招賢此處有三賢

漫成二首

一山百有二奇峰大小湫蟠大小龍眼底胸中空
躍躍苦無健筆可形容

層巒不是五丁開競秀爭奇亦快哉海內名山今

已矣曾從一百二峰來

出山二首用王梅溪韻

無甚新奇外面山包藏靈異在中間老僧却被諸
峯累應接遊人不得閒

纔得逢山又別山軟紅塵裡是人間溪村幾處春
聲急水出山來也不閒

正月十九以台州查盤之役次黃巖界東郡

邑諸君

再持使節按三台 聖主何嘗棄不才簿曆無端

人易老江山有待我重來風中楊柳顰眉展雨後
桃花笑口開近賴勞心賢守令荒村添得幾樓臺

抵台州有感二首

靈江無恙抱城流前渡劉郎兩髻秋往事如何如
昨日故人一問一荒坵驅車莫辨新開路駐節仍
尋舊倚樓不識幘峰峯外月疋深還肯過來不
戊辰別後又庚辰十二年來薄宦身父老重逢言
昔日兒童不識問何人碧紗籠處詩篇在白碣刊
成姓氏真還向天台山下去桃花更笑客風塵

過舊署

原是章安舊郡丞敢勞同輩遠趨承吏人熟識無
多箇衙舍新添此一層手自栽松圓若蓋身嘗坐
石冷於冰不須細述年來事從有乾坤有廢興

次天台縣感懷

車下橫山嶺望見天台城城中雜士庶出郭紛來
迎依稀熟其貌而不記其名自稱曰某某聞之喜
復驚昔列少年場今已髭髯生昔是黑頭人今乃
白髮盈返觀余面目老醜逐年成倘非前導至爾

認不分明世事易翻覆人生幾變更吁嗟乎前路
斜日遠山橫

斑竹早發

雞鳴催客起帶夢走清霜竹似嫌人俗山應笑容
忙兩溪分燕尾一徑轉羊腸少憩僧窗下三竿日
影長

題劉阮廟碑陰

再訪仙源路已迷桃花流水各東西誰傳劉阮歸
來語畱與詩人宛轉題

嘉興詩錄
台州查盤事竣復有嘉興行田之役計一月
內已歷杭睦婺括甌台越禾八郡矣卽事
口占

浙西自浙東馬上復舟中未盡三旬日親觀八郡
風鄉音隨地變吾道與人同燈後還歌吹村村祝
歲豐

嘉興行署寫懷兼柬同事諸君

夙有東西兩浙緣又移使節按行田鴛湖 鳳關
三千里蝸角牛毛十六年灑掃門庭清似水安排

几席冷於瓊相期早畢公家事烟雨樓頭一醉眠
題行署東園十韻

駐節山千里移旌水一涯風搖楊柳綠春上牡丹
芽桃蕊嬌含笑鶯聲巧帶誇只愁來俗客不稱對
名花有主何須問爲賓却自嘉忙將公事了閒送
夕陽斜吏散門常閉人稀院不譁惠傾鄰醜酒峇
煮隔秋茶古調絃三弄新吟手八叉助人幽興劇
片月在簷牙

卽席賦贈佟青士太守

所見才華過所聞二千石裡獨超群一方共事如
披雪兩月同舟欲薄雲花下科頭春縱酒燈前抵
掌疾論文鴛鴦湖水瓶山月要與風流太守分

奉和撫軍張公原韻

後樂先憂敢盡歡大臣難較小臣難鬢緣事事親
裁白心為人人得所酸此日原田爭樵李去年洪
水沒嚴灘思波總出中丞賜別有冰霜不可干

再用前韻寫懷

背人非刺面人歡行路於今覺更難世態幻成雲

氣薄鄉心滴碎雨般酸前身已誤三生石何日能
疏八節灘宦海浮沉易衰老鏡中枯却兩闌干

天詩註闌
干眼眶也

按嘉善縣作

輕舟又傍鶴湖維舍已耘人未有期二十四番風
信急千三百里客歸遲溫距嘉計
程爾爾家家來往多通
水歲歲經營半在絲虞芮何緣爭不息即今先恐
廢農時

同郡邑諸君春遊戲成

終年宦海幾忙人也惜韶華問水濱預有約來裝
草草不忘情處牘鱗鱗旌旗已被名花笑鼓吹還
生好鳥嗔酒醖未停歸棹急無端又送一年春

弄珠樓次吳寶崖韻

形家言湖水九派匯於此如九龍然應建亭如

珠名戲珠亭後邑令改為樓移今名董思白宗伯書額并系以詩

九派中央一粒垂弄珠署字更題詩情知神女擎
來處錯認驪龍唾落時桂棹撥開湖面面花宮遮
斷柳絲絲遙思思白揮毫罷定倚重樓別有思

乍浦

舊是荒涼地今成熟熱塵石塘陳海鎔草屋聚人
煙岍接東鹵道潮通遠近船普天皆樂土真若一
家然

登煙雨樓用宮詹高公韻

五代傳遺跡層樓立水中有塵飛不到非楫渡難
通高接孤城雀虛舍遠浦風今辰名果稱烟翳雨
空濛

偶感叠嘉興寫懷前韻

歸山有意住無緣微祿何時買薄田月下酒難勝

丙夜鏡中人不似丁年一春蝶翅方舒粉幾日楊
花欲糝瓊案牘目仍兼抱病求安眠豈得安眠

晚春雜興六首

一片飛花點硯池南湖怕作送春詩來從何處歸
何處燕燕鶯鶯問不知

雀舌龍芽士女筐年年穀雨試旗槍湖山遠隔千
餘里負却家童蠓眼湯十一州惟嘉興少山不產茶

家家煙火苦氤氳非是樵夫砍白雲共道長安薪
似桂豈知此地草如芸嘉興少柴炊多用草價亦貴

熏爐舊重姓張人

製爐以張鳴岐為第一

鬪巧爭奇近失真

莫惜良工心太苦後來花樣逐時新

織錦年來取次新西顰不效效東顰逢人誇道蘇

州樣忘却蘇州學宋人

蘇州近織宋錦嘉興仿織又稱蘇錦

為歷山多却厭山此邦半水半平原一篙雙屐尋

名勝幾處花宮幾處園

段薰斯司馬招同諸賓客讌集綠溪小築用

贈青士太守前韻賦謝

笙歌一派隔花聞勝友名園可以群鑿地有池皆

得月倚天無石不生雲此間未許談公事吾輩何
煩設禮文縱使日長還秉燭十分春祇賸三分

次寶崖韻偶成二首

且披酒譜驗茶經肯被冠裳困使星鳥不知愁頭
也白柳綠底事眼常青惜哉好句忙中失樂甚清
歌醉裡聽難得春來容易去楊花欲作點池萍

少小何嘗醉六經空疎今已鬢星星晚雲若為催

詩黑春草何勞代曆青

北史無曆處以草青為記

摹帖但當存

我好弄琴初不要人聽相看不改書生樣聚散范

范宦海萍

題范少伯祠二首

在嘉興城內

定霸功成范大夫荒祠望古幾踟躕不辭烏喙情

真假並載蛾眉事有無地半買遷應號里

左有陶朱里

水緣高蹈得名湖

前有范蠡湖

可憐吳越興亡後曾未

聞畱土一區

的是春秋一丈夫事成焉用再踟躕極知驕主亡
家易不惜佳人絕世無名變齊邦埋越嶠身生楚
宛泛吳湖回頭應更嗤文種善為人區不自區

吳蓉村寄詩次答二首

昔駐山陰道上車平原十日醉顏舒
冰厨會飽長腰米雪碗難忘半面魚
落落心期無似我悠悠世路不關渠
得君小阮謂瑾仲別駕攜新句倍憶詩人水竹居

刈存詩改葛莊詩來詩有經年洛誦刈存詩之句格未沉雄語未奇
深愧十年前廢學請更一字後為師懷開朗月樽前照思入春風
筆底吹但惜長才會小用干將不及兩錢錐

過綠溪小築觀錢容山督學小影兼勉乃郎

琳條

使君歸去此投閒為少真山愛假山青玉片堆亭
左右碧雲根嵌水中間風流如在披遺照老大無
成覺厚顏喜見佳兒年力富勗哉相繼列鵷班

東園襍咏六首

牡丹

寂寞荒臺畔春來強一紅若教真解語先唁主人

翁園為張探花舊宅

芍藥

揚州有三十九品惟京師連畦而種市者日萬餘莖

舊數揚州盛嘉禾也自開故園逢此日萬朵出豐臺

蝴蝶花

未肯過墻飛但喜迎風舞春來不宿花却與花為伍

藤花

老樹勢凌雲長蘿附之起風過悄無人搖曳空中紫

醉醺

小玉態輕盈未飲情如醉東風扶得起又向籬根睡

石榴

來時無一葉連日吐紅芽春約人同去無煩再着花

時將回甌

同郡邑諸君遊鐵舟園即席口占

羅浮深處各停驂小閣低廊次第探臨水參差峰
六六繞花紆折徑三三王孫遺跡誰曾憶

園為宋岳倦翁

別業故址少伯高風衆所慚范祠在園左試看晚林還倦鳥

巢雲枕月夢初酣

賦得渭水空藏月嚴灘淡鎖煙嘉府試士題

一懷廊廟一山林兩箇漁翁兩樣心熊夢終為當世用羊裘未許故人尋周家大定憂方釋漢代中興喜不禁相望後先成已志長天月白暮烟淡

黃金臺懷古嘉府試童子題

列國分爭霸業灰燕昭王獨禮英才孤城欲致全齊下數子謂樂毅鄒衍劇辛諸人端由一隗來金不須多君

意重臺何足道士風開章華銅雀誰憑弔視此招

賢又名招賢臺愧矣哉

春暮感懷

鶯語雖嬌奈老何陳人相對亦悲歌三春又向愁中去百歲焉能醉裡過為有雨方流水急便無風也落花多此時却羨垂綸者淡柳陰中掛短蓑

荒園

未送春先去荒園早閉門風驚蝴蝶睡雨斷牡丹魂蔓草侵堦滑長藤蓋屋昏惟餘幾堆石猶是舊

雲根

遊東塔寺

何用入雲峰沿城寺忽逢浮屠方七級

塔形獨方與他寺異

古殿敞三重墓表朱翁子

寺為買臣故宅今墓尚存

樓傳宋孝

宗

景陽樓因孝宗幼時墜而不傷改名景龍

老僧頻指點花落水淙淙

三月晦日行署漫書八韻

九十韶華今又老一年春意頗相關
園經細雨斜風後客坐新桐嫩竹間
未免有情花落盡可能無夢蝶飛還
溝常得滿潛通水雲自能生不待山

日頓教詩卷減暫時且放酒杯閒
曾經鸚鵡湖邊渡却望堯花嶺上攀
事不易完空按部牘曾屢判莫除奸
送春春去人還駐兩鬢愁添一夜斑
四月四日發嘉禾次韻留別吳寶崖時寶崖將續絃才女故末曾戲之

僻處專司海客航無端檣李按田忙
堯花久結來時子芍藥還留去後香
九十日春容易送兩三處景寂難忘
我行爾住都堪笑各為他人作嫁裳
寶崖

以代閱試卷留禾

譽言太過本無能但信生平善飲水支俸稍償賒
酒券操觚漫答索詩僧君才錐向囊中處我病霜
從鏡裏增逆料淹留須兩月可能歸及薦紅菱
斗柄如珠尚指東遙期早拜丈人翁無雙才貌成
周禮第一篇章誦國風豈有良材居爨下却教勁
敵出閨中乘龍好辦催粧句休被紅顏笑技窮

四月初五日同青士太守振公司馬仲瑾別

駕過黃葉村莊訪吳孟舉舍人

當窗堆就小巒岼下有池塘半畝寬不種牡丹誇

富貴多栽松柏耐高寒

孟舉詩草堂合着高寒舍
士茅舍難栽富貴花

人歸老開三徑太守偷閒把一竿是日青士垂釣只恐鳥

驚花也笑朱旗對對拂闌干

曾倩東床寄宋詩

向以所選宋詩鈔托
乃壻汪簡心見遺

十年今慰

夢中思連篇我愧驚人語高論君誠砭世醫要起

沉疴當奪換

宋人詩有奪
胎換骨法

恐傷元氣更扶持

孟舉
又選

唐詩將完五
六其論如此

其間別有真情性黃葉村莊集得之

錢江喜遇王紫銓同官

差慰遐荒廿載思孤舟片刻話心期少年共破紅

樓夢薄宦都成白髮悲盡我滿壺江上酒哦君兩
帙海南詩茫茫雲水漫漫路向後重逢更幾時

泊蘭溪

薄宦年年兩浙遊半肩行李一扁舟長林雨過花
紅淚小浦風狂浪白頭幾處江干逢古塔誰家城
上起高樓蘭溪酒得蘭陵法琥珀光從玉椀浮

道上書所見三首

水滿連宵雨後溪勸農太守過城鹵浙東地煖分
秧早四月中旬綠斬齊

耘罷初歸憩草堂三三兩兩話農忙行人無覓朝
餐處分取田家麥飯香
冠蓋紛馳午未休涼風不動火雲流輿夫爭解長
途渴跪取清溪手亂杯

途中次韻

別無所事上着尖兩日程惟一日兼眼底山多如
有得囊中詩滿不傷廉饑投茅店餐偏美倦倚籃
輿睡頗甜也有堪忘行役處幽蘭香斷野花添

雨後

驟雨復斜陽清風帶樹長水緣何事鬧雲爲阿誰
忙晚食新蔬美高眠獨枕涼悠哉北窗下此意卽
羲皇

賦得看劍引杯長

溫府課
士題

一拂青萍數舉觴吾儕豪縱異尋常胸中積魄澆
還在眼底纖睚報欲忘三尺水橫生激烈十千錢
盡發清狂醉來應作封侯夢夢見分封領醉鄉

端午

火樣榴花劍樣蒲誰家兒女鬧康衢似知生日齊

公子却忘遺風楚大夫上壽豈關長命縷太平焉
用辟兵符尊前賓客歡如沸鬪草剛羸解粽輸

席上戲占

不集梨園竹與絲二三僚友一深卮品評唐宋元
明畫鑒別官哥汝定瓷入眼先知僉判爽

謂吳
瑾仲舍

毫能肖郡丞奇
謂遲
澹生笑余未改寒酸樣花下催成
卽事詩

宋謝臯有文房四友歎同人分賦戲成長句
楮白陳元並策勲烏皮几上起烟雲韓稱毛作中

書令昌黎作蘇贊羅為萬石君東坡作如此可交

真是友不然何以為之文燈窗與我周旋久老覺

年來各倦勤

夏日既署觀基

入暮輕雷到曉晴今年早擬報秋成官閒長日消
無計羸僻空齋坐有情不必再三分黑白何妨偶
一較輸贏相當旗鼓休輕讓君子由來射亦爭

題仇十洲畫猿

峭壁孤猿掛臨溪弄水清戲垂通臂力怕作斷腸

聲有樹何須抱無人了不驚吳中多贗本毛髮此
分明

題米家燈

米友石勺園在都城外以公事不
能日涉因繪園景為燈呂邦耀有

米家燈是米
家園之句

花鳥亭臺色色幽米家舊樣此傳流名園那得身

常到移上生綃秉燭遊

題麻姑圖

赤脚仙姝舊姓麻
鑿頭斜掛一籃花
多緣採藥留長爪
却惹痴人想背爬

題畫石僂面

幽可生雲秀可餐
揮毫幻出小巒岈
飛來掌上還飛去
借與媧皇補未完

題畫石屏風

會記今春雁宕行
層巒峭壁削空青
海風一夜東

南起飄落嶙峋上畫屏

題墨冊

畫書詞成三絕掌上珍
心頭血選煙研麝仿古人
近時殊覺他家劣
未敢輕試藏余拙

夏月吟

人言秋月好我愛夏月涼
中庭一散步宛在水中
央照窗色逾白入門影
正方夜深來床前可以代
燈光悠悠動歸思引夢到
家鄉

長夏口號三首

凌晨纔起卽炎蒸強對馨殺飯未能却憶故園行
樂處香瓜蘋菓一盤冰

莫將小事費心裁架上殘書信手開長日空庭人
寂靜隣家樹影過墻來

驕陽不熱心中水鶉火難消鬢上霜只有池邊松
樹下曉風拂面得清涼

苦熱疊前韻三首

西山終日看雲蒸望斷雷霆雨不能坐對簿書空
赤脚姑蘇南過已無冰

舊有絺衣不用裁手中摺疊扇常開只愁吏擊轅
門鼓報道江干有客來

已拚落日雲如火幸賴良宵月似霜漏下城頭三
十刻滿街人語正追涼

喜雨兼問梁簡臣病熱

好雨乘時下溝渠看水流如風能解愠比草叟忘
憂城郭千山暮衙齋五月秋呼童詢比舍厥疾定
當瘳

夏日病中感懷兼聞王郡丞周指揮沈明府

詩音

落照滿平蕪
炎炎病未蘇
血虧雙鬢改
泪竭兩眸枯
來日知多少
浮雲乍有無
那堪一時信
三報故人殂

罷齋晚興

羅浮山色遠分明
山外斜陽但隔城
江湧樓臺非
蜃氣齋中見江心寺池喧
簫鼓是蛙聲
樽前豪興隨時減
鏡裏衰顏逐歲更
只剩吟懷消不盡
葛莊又一卷詩成

雨

乘風飛過海雲烏
帶得翻盆雨勢粗
紅槿枝頭高
濯錦碧荷葉上亂跳珠
霎時平地沒將盡
半日青山遮欲無
遙想溪村草屋下
農人歡劇病人蘇

賦得夏雲多奇峰

觸石悠颺起從龍
變化奇祇緣逢九夏頓覺異三
時華岳當空立巫山帶雨移
紅猜霞赤嶠白認雪
峨嶠峩嶩方飄渺
氤氳忽嶮巖終當作霖去膏澤
遍天涯

六月十三日病中作

不出門經三十日空庭淡院息塵囂燈緣月上呼
 休點香以蘭開禁勿燒案牘披知新米價檄行縣尉五日
 一報米價吏人訊識晚禾苗忌逢彭祖能無忌既俗此日名彭祖忌大風
 主傷農事多病年豐也合消

疊前韻即事漫成

世態即今多變幻人生那得絕煩囂連朝芻狗因
 誰設時多昨暮花猪為客燒紫綬垂堪供話柄白
 髭拔不斷愁苗行年五十還差二莫怪胸中鬱未

消

三疊前韻

官閒頓覺衙齋靜地僻曾無市井囂坊有墨池王
 守鑿菴畱丹竈郭仙燒墨池坊郭仙菴俱在城內但知野外春
 當省不信軍中夏可苗連日佳音殊足樂農家全
 獲寇全消

四疊前韻

病後一身愁困頓靜時兩耳畏喧囂井渾僕為朝
 炊汲燭短孫能夜讀燒濶大難成新氣象寒酸未

脫舊根苗任伊度盡春風曲鬢雪鬚霜總不消

夏夜作

暑難成寐漏三更獨自開門繞砌行
月色橫空雙鶴唳樹陰滿地亂虫鳴

夏日作

今朝無地不炎蒸正苦南牕耽未能
幾陣風刀屠白鳥一聲雷劍殺青蠅

六月十八日熱甚同友人分賦

要引南風拂病顏重重戶牖莫教關
一枝不動隣

家樹萬疊如焚隔岸山傍水垂竿非學隱
看人對

局暫投閒紅瓢辦辦同消渴異味遙傳自厦灣食

灣鹵瓜甚美

書懷示兒輩

不朽惟三一未成簿書碌碌豈功名
汝曹莫恃春秋富五十無聞悔後生

寄省中僚友

性本迂疎愧此官東南重寄在屏藩
口涎自昔會流麩手指從來未染黿
得且過時存我學莫須有

處任人冤倘容一拂衣歸去諸葛莊西是故園

美玉

美玉藏石中追琢須及早一琢見瑕瑜再琢分肉
好所以古聖賢不欲人懷寶若乃砭砭姿觸手易
折天何如埋溪山用拙以終老

過江心寺偶題

碧水中央石幾堆誰從水面起樓臺漫勞俗吏停
雲繖只許高僧渡木杯日影移殘雙塔去潮頭湧
過半江來鹿城相望無多地頓覺清涼絕點埃

六月廿一日又以公事赴會城

半載三行役輕舟東復東急符飛意外佳節過途
中勞有尊卑別炎無貴賤同長年一何倖呼得滿
帆風

過石門洞

衆山中覺此山尖萬斛珍珠掛水簾洞外征夫方
苦熱老僧披衲誦華嚴

過海口

距潮百餘里宋高宗下海
時潮直至此因而得名

昔日潮從此地經馮夷呵護小朝廷不知二帝行

沙漠却有何神肯効靈

立秋道上作

一年光景半如流張翰情懷又起頭熱豈無因因
作雨涼如有為為迎秋是非場事應難料名利關
身未易抽淡羨野夫無檢束笊簪襪禳各優游

題俞嶺碑陰

碑刊俗諺前世不修生在處州
一包冷飯扒盡山頭此言處也

而天台亦然且輿夫半屬金華人因
用其韻占斷句雖云遊戲亦可解嘲

枯人固是未曾修更有台州及婺州行李往來千
里外也包冷飯萬山頭

自問戲用者也韻

舉世盡高才子欲何為者久矣三徑荒幾時歸去
也

雨後過桃花嶺

返照收殘雨輕雷過別峰回頭比劍閣一半白雲
封

半嶺題僧壁

年將八十古僧人結箇茅庵住白雲客到便呼茶
且喫未來過去此中分

東渡

衆綠中間點片紅
渡頭飛舞去來風
要知一葉傳秋信
不獨梧桐更有楓

裡溪

板橋流水各由東
人在荒煙蔓草中
古道至今行不得
路傍別有一條通

重過石柱街

不由此徑兩年中
仍許肩輿曲折通
旅館風光都似昔
主人不是白鬚翁

花街

永康郭外草茅村
四五人家早閉門
不識美名何代起
傷今憶昔總消魂

嶺下接張越千書

名彪今改

亂雲堆裡拆君書
小字蠅頭六幅餘
一見新名知近狀
山人移向水邊居

君由宣武門思我
我到平湖縣憶君
相訪故園不相見
四千里路萬重雲

桐江懷方處士

佳水出佳山凡夫住亦難嚴灘遙在望小隱繼方
干

富春江舟中

釣魚臺下倚篷窗白點青山鷺一雙船到桐廬灘
已盡揚帆直過富春江

過聞家堰自和立秋韻

大江潮滿水西流落落人烟古渡頭貼浪橫飛群
鷺雪迎風爭響亂蟬秋早粳喜得匙邊滑晚穗知
當雨後抽一飯未完三十里片帆忽作步虛遊

立秋後熱甚三用前韻

群知大火已西流冷雨酸風正打頭豈料三更依
舊熱絕無一點類新秋窗虛螢影高低度屋敞蘭
芽次第抽口號吟成眠不得披衣揮扇遶堦遊

七夕

銀河耿耿亘長空道是女牛相隔處七月七日是
年年天帝何年將女女去聲終年一會只今宵畢竟
今宵容易曙一在河東一在鹵鵲橋對岸遙相覩
不知織女渡河來還是牛郎渡河去

江上偶書所見

一櫓雙搖不停手客對漁船開笑口近日漁人亦
苦饑得魚換米不換酒一斤半米一斤魚各易所
無以所有忽驚高岍幾層人人身不動脚疾走問
訊桔槔苦旱乾欲吸西江救南畝水性趨下使之
高用盡辛勤辰至酉賈客得魚方治鱗漁人得米
歸遺婦爲漁爲賈各欣然可知念及農家否

再過釣臺卽事

夾岍山高草木繁灘深不復響潺湲有心懷古留
孤碣好事臨流構小軒夜緯長年愁遇虎秋篷過
客怕聞猿往來臺下忙忙者敢對先生道一言

浙東道上

雙臉羞從酒後朱十年老夢怯長途驕陽是客行
多蓋小艇非僧坐亦趺綠去川流宗大海黑來雲
影度平蕪倦時一縱乾坤眼半入甌閩半入吳

泊童子山

停槳得沙洲荒烟古渡頭小船明月夜孤嶂白雲
秋石怪疑蹲虎波恬任戲鷗不知遊子夢到北到

東甌

秋夜題容照樓兼示主人

他鄉有酒卽蘭陵一檻雲山許客凭乍長旋消門
外水半明不滅渡頭燈風生几席常三面月上欄
干第二層宦海浮沉人聚散未知還許幾回登

次金華卽席用鄭孝先韻

三浙東西十一州輜軒會遍十州遊

唯湖州未到虛懷

到處尋詩伯雅量誰堪贈醉侯銀蠟燭前渾似晝
紅攏瑜上那知秋得行樂處須行樂難挽年華不

水流

題嶺頭壁上

凌空當絕頂幾許費躋攀一望渺無地不知多少
山風生雲散去日落鳥飛還歎息往來者晨昏虎
豹間

由武林回甌郡作

王臣敢說我心勞歷遍殘山剩水遙千里人隨秋

夜月

杭至甌計程千里

十分船放卯時潮長空雲起龍身

見大海波平蜃氣消萬寶將成民樂業不知耕鑿

賴神堯

漫成

一年衰比一年身月夕花朝倍愴神老去漸疎乘
興事病餘甘作薄情人有時白眼看新貴終夜青
燈照舊貧面目本來只如此于今吾亦愛吾真

鹿城書懷三首

安不忘危用意深東南鎖鑰勢千尋旌旗盡帶軍
中色金鼓如聞塞上音雉堞橫排滄海角翠巒孤
立大江心胸藏愧乏真形勝四望秋風起夕陰

漢後

問水濱萬家煙火舊關津白波滿目溫

州界青布纏頭福建人龍骨

海船底梁名

造船防颶母

豚肩灑血祭苾神

東海神名勾世

三秋早任取

魚鹽不救貧

書生久許建牙璋帷幄何從展寸長通夜不眠心
損血淡秋多病眼畱眶鞭稍瘦馬憐高骨弦外驚
鴻怯故瘡所賴巖疆同努力一人跋扈衆飛揚

悍將生事

寄懷吳寶峩

時以代檢課卷留嘉興

我先返署爾歸遲除却論文定賦詩慎莫狂奴存

故態好從賢主樂新知泗洲院共登方塔即東塔寺塔影

獨三過堂同讀斷碑以東坡同文長三次煮茶得名能幾何時人

聚散半輪秋色照相思

晚登華蓋山漫題寺壁二首

五粒松邊石磴斜半空樓閣倚殘霞雲迷閩海三

千里烟鎖甌江幾萬家疊巘凄清黃葉寺平川黯

淡夕陽鴉老僧與客周旋久自汲蒙泉煮雁茶雁

茶產

身在崔嵬第幾重祇能臨眺愧形容高低城關斜

分斗九山錯立如南北江關合抱龍食肉不多應

字瘦入官既久更詩慵但從太王道書稱太玉洞天留名

字後十年來覓舊踪

舊作有怕對淡人愛淺人之句月坡太守每

喜誦之因用為起句倒和前韻却寄二首

怕對淡人愛淺人我行我意滿腔春宦緣見事遲

難達家以謀生拙易貧每聽喪心妻作貝曾經背

面浪翻銀同君不善三緘口於此偏能諒性真

怕對深人愛淺人胸無冰炭面生春從吾所好休
嫌拙素位而行莫厭貧潮落定當溪露石日高空
自雪堆銀那能涵養心如鑑一一當前現假真

次韻畬祝工部二首

予三百里犯津關

由嘉興至溫州

粉署仙郎暫乞閒桂棹

撥殘甌海月錦囊貯滿梧州山詩吟王李鍾譚外
書學蘇黃米蔡間我有巴詞鈔數帙災梨未果待
君刪

會到名園一扣關秀州司馬共偷閒

是日段薰斯招集望

中如畫臨池閣幽處生雲壘石山但許琴尊邀以
後豈容輿蓋溷其間想當賢主歸來日
時工部有松江之行
花定重栽草定刪

卽事戲成

桃嶺蘭溪道路難况當安邑少猪肝肯將孤宦三
年守博取遊人一夕歡俗物眼邊驅不盡煩言意
外突相干郵亭夜半西風起若較家居定薄寒

有懷諸同學

幾人望重點朝班餘子才疎合抱關郡邑從來悲

瑣細掖垣近亦苦清閒岫中常見浮雲出林下稀
逢倦鳥還愧我宦遊無好况徘徊甌海括蒼山

何素之參軍抵甌用井廣文扇上韻卽席分

賦

舊隨僮僕鬢成絲我貌君年不問知宦海各遊三
兩處神京相聚幾何時人生少樂多惆悵塵世
難逢易別離儘向花前謀一醉寫懷同和廣文詩

青田舟中

一葉上高灘青峰夾兩岼不雨近數旬中流不及
骭舟子脫布視欸乃聲相喚石門七十里日暮猶
未半村荒烟不生山淡雲不散迢遞客心傷對此
發長歎行路難矣哉往來人不斷

溪路

天寒失翠微溪路雨霏霏樹密雲常駐沙深雁不
飛就茶餐袖餅和被覆綿衣絕少人烟處何煩動
鼓旗

同何參軍集高都閩醒園用前寄贈韻

薄海兵戈久晏然容君緩帶此偷閒敲詩獨對花

邊月把醜同看雨後山已愧逢迎情輾轉漫勞羅
列味多般主賓痛說浮生事笑我身猶醉夢間

山中早發

青峰尖上露朝暎蚤已輕車數里奔秋色橫侵黃
葉路人家淡鎖白雲村水將新穀衝成碓竹接高
泉引到門十丈軟紅塵不見山空疑別有乾坤

次五雲館用壁間韻

事如棋局屢分更塵世誰忘寵辱驚自是人多遺
憾意何嘗水作不平鳴當樓月墮三秋色到枕風

清萬籟聲豈畏江深山太峻曉來別有路難行

九日嚴州舟中寄內

去年官舍菊叢開遶膝兒孫進壽杯今日無端三
處別燕京甌海子陵臺

行署同故人宴集適張宗亮太守過訪醉中

未及接見次日却寄

鯉魚風起菊花鮮勾引狂奴故態顛有客到門題
字去主人中酒枕書眠頻摹不合時宜肚大笑相
爭昔日拳致語風流京兆尹再來休返雪中船

杭州東兩司諸公

野菊驚看壓擔黃方知時已過重陽山林自得貧
家樂省會難堪貴客忙江上送迎三十里街頭來
往幾千場晚歸衙舍親燈火案牘相仍飯欲忘

乍寒

殘菊猶開日丹楓欲落時乍寒風凜冽瘦骨最先
知

道中聞驢鳴

浙中絕少惟
金華間有之

夜來沙岸孤舟宿晨起山程四卒馳長耳忽從村

外響板橋風雪動鄉思

泊溫溪

雨苦風酸月不明舟人停槳卽鼙聲草間閃閃青
燐出二十年前此弄兵

初冬道上卽事

水驛山程興頗闌朔風吹破舊衣冠愁來髻髮將
成禿老去肌膚不耐寒獨酌一壺茅店小間行百
步板橋寬相逢無復相迴避野衲村農識此官

偶興

如雪肝腸似水庭幾株蕉葉可窓青羅文毛穎烏
皮几閒考山經校水經

浪淘沙詞 三首

費盡癡心更苦心江臯河畔幾沉吟如何暮暮朝
朝浪只見淘沙不見金

日月無情水上花北邙山下事如麻可憐後浪催
前浪淘得新沙壓舊沙

河防使者日焦勞築就沙堤十丈高吩咐西風休
鼓浪堤沙禁得幾回淘

賽神曲

開板戶請巫流意渺渺聲啾啾家保平安田望收
酒三杯香一炷父老拜兒童舞神鑒臨兮神鑒臨
儀文雖缺心偏苦

新嫁娘 二首

清晨省姑嫜小步堂門外忽見昨宵人低頭弄衣
帶

香奩三日中長幼群相謔低語告新娘貴壻尤輕
薄

紫騮馬

六四閑中第一駒裝金爲勒玉爲鞅騰驤不在烏
騅下奮迅應同赤兔儔公子豪情空換妾將軍壯
志欲封侯烟塵掃靖身無恙歸向天街緩轡遊

衙齋一鶴爲兒輩所斃詩以悼之

栝嶺甌江十載隨每將玉羽伴金徽詎知有用神
仙馭竟觸無端稚子威弱水三千終未渡青田咫
尺那能歸空庭月白風清夜好入幽人夢裡飛

悲歌用白香山原韻

五陵豪興未消磨不念衰顏奈鏡何少結親朋傷
老盡後生兒女較前多難留白日離弦箭易送青
春逝水波強對名花翻一曲含悲嗚咽不成歌

讀白氏長慶詩集二首

三子輕寒瘦香山俗若何但觀新樂府殊覺此言
苛

眼前景象意中言寫出清真別有源十五卷終思

少傅浙東觀察愧非元

微之敘白詩贈答甚
夥會爲浙東觀察使

題兩浙觀察于子繩小影二首

曾無冰炭面無塵第一官須第一人試奏水荳花
外曲頓生七十五城春

最大家聲最小心為清端公冢孫十年身伴一張琴公餘
石上科頭坐消受清風滿竹林

戲述家事兼示兒輩

大婦怡然小婦溫小兒如犬大兒豚真成老景憐
三女喜接家書舉七孫堂上慈親沾厚祿海濱末
吏荷殊恩但存公爾忘私意民物先安後嫁婚

次梁錫蕃秀才寄乃兄簡臣學博韻賦贈

好惜分陰莫放寬勤搜才海助文瀾會同兒學兼

孫學

簡臣舊與垓兒伴讀今教永錡永鑽兩孫

每愛兄難並弟難孤館

青燈冬不寐明窓鉄硯午忘餐十年深得其中樂
要識竿頭更有竿

送總戎暨三遊擊將軍巡海

戈船飛出大門

海口名

東獵獵旌旗照日紅風緊暗

添弓力勁潮迴遙帶鼓聲雄百年不用生民福一

日常新守將功羨爾練軍諳水性朝穿蛟室夜龍

宮

道中作二首

古驛荒城取次過，天陰日短夜蹉跎。悲風木葉摧
將盡，寒水池塘剩不多。豈解敲詩消悶耳，每思戒
酒奈愁何。武林不乏同官在，銀燭金尊夜按歌。
客途誰不念家庭，劈面風霜日夜經。再食那能常
得飽，五更不覺自先醒。水當屢渡愁逢綠，山爲多
行怕見青。宦况勞勞歸計拙，孤踪大海一浮萍。

舟中次陳朗行雪中過七里灘韻

六出花飛一葉舟，子陵灘盡水初柔。碁涼未可同
君賭，酒滿無煩與婦謀。數點烏巢枯樹頂，幾雙鷗
侶大江頭。遊踪莫定長途懶，二十年來此敝裘。

按部浙西

一年三百有六旬，九十日中常道路。衙齋四見月
華明，其餘五月畱行署。天台會踏元燈嘉禾輕
送三春去，爲避炎威怯午行。戴星飛走錢塘渡，鹵
風纔送片帆歸。冒雪凌霜過寶婺，浙東觀察擁虛
名。四按浙西歲云暮，容顏老向辛苦中。心事灰當
奔走處，回頭四十八年身。青史功名無一樹，人生



原件破损

碌碌只如斯再壽百年亦虛度

男

均培 全校字

十四終

葛莊詩鈔 辛巳

遼海劉廷璣王衡 一字在園 著

卷十五

元旦杭州行署作 時年四十九

一簾晴雪帶朝暉
鴛鴦班中再拜歸
薄福何當沾厚祿
陳人焉用換新衣
敢言明歲能知命
未覺今年正在非
凝望三千餘里外
白雲深處有 慈闈

行田嘉禾事竣東同事諸君

勳名已自覺成虛
舍已耘人復歲餘
昔日將離花

落後今晨歸去鳥鳴初相攜行署兼無鶴試檢羞
囊尚有書仰借群公公事畢未知誰毀復誰譽

題舊小像

昔日朱顏客而今白髮翁可憐明鏡裏不似畫圖
中

僚友齋中戲成二絕句

廚人報道粟囊空曼倩侏儒迥不同一領春衫雙
袖窄更於何處着清風

斷腸刺史興何如前代流風近日無卽席殷勤一

杯酒却將小史當官奴

題野人壁

半倚山椒半水湄野人茅舍遠參差籬根斜日眠
黃耳花底輕風響画眉終歲偶然到城市畢生從
未別妻兒若除釣月耕雲外再問其餘事不知

過蘭谿舟中作

隔歲行田瑣細完歸舟衝破水漫漫殷勤望處仍
孤塔欵乃聲中又一灘布被囊空愁日暮羔羊裘
敝怯春寒尋常才具迂疎性只合閒曹本分官

寒食同內悼長女

四千里外絕音塵時在天一紙驚傳到海濱頭白

雙親同灑淚斷魂時節斷覓人

好花纔放月初盈風雨摧殘送此生逆料已知有

今日過於嬌艷太聰明

勸農行

勸農勸農使君行從者如雲擁出城未聞一語及
民生但言橋圯路不平未知何以惠編氓却恠壺
漿不遠迎東村淡薄胥吏爭西村更貧難支撐使

君已博勸農名唯願及早迴雙旌不來勸農農亦
耕勿勞再勸雞犬驚

春寒

紅芳過盡綠陰稠風未消停雨未收澤國春寒今

始信諺云春寒秋熱蘇松兩浙開箱重檢舊衣裳

三月十八日奉 召赴京

庸才僻地頗相安敢道為臣自古難十七年來雙

鬢雪四千里外寸心丹共沾 聖德乾坤大獨沐

皇恩雨露寬今日叨陪一何幸陪推 眞臬天書飛下五

雲端

二

緣何吏卒遠逢迎

特許微臣驛路行六馬長驅

山月小

中樞政考陸路支馬六匹水路船一隻

一帆正掛浦風清隨

時村酒沾唇美到處春花刺眼明豈獨趨承君

命召小人有母在神京

晚行

知是人家近炊烟一帶拖犬行春水岼牛臥夕陽

坡大麥秋成早閒花夜落多欲投山僻處鎖夢倩

青蘿

山中

又到山中覓路岐春風成片雨成絲香濃不識花

何處響近方知水在斯千里旅懷孤店酒一肩行

李半囊詩同人贊歎林泉好能向其間住者誰

石塘卽事自和題壁前韻

恐驚村內野人家村口先停使者車若欲顏朱須

借酒肯因鬢白不看花關門小婦忙烘繭隔塢群

兒競採茶十數年來頻過此東風依舊柳絲斜

過善慶寺

道傍逢古寺徑曲不誼譁倩水春香稻隨風掃落花老僧方補衲行客謾求茶鐘磬無聲處簾垂日影斜

夜過姑蘇卽目兼柬劉玉伯方伯佟鍾山觀

察

畫船入夜更紛紜不定笙歌十里聞燒燭酒同豪客賭垂簾香對美人焚市區遠近喧明月樓閣高低貯彩雲莫以繁華成故習于今當路有神君

中丞牧仲宋公招集漫堂以綿津詩集見貽

次集中答張見陽太守韻賦謝

戟門深處晚颼涼却許庸才坐竹牕當日未能從講學廿年今得問為邦勉趨公事東西浙近仰清風左右江宦達名高詩更好新城謂阮亭尚書之外有誰雙

三月晦日渡江抵揚州

滾滾長江萬古流蕭蕭白髮此重遊相看不識新朱戶欲覓難逢舊酒樓九十日春花結局二千里

陸客從頭冷思跨鶴腰纏語馬瘦囊空一笑羞
旅中答題壁友人

才美其如不遇何長廊短壁費吟哦但逢古蹟流
連久大抵詩人感慨多背彼奚囊登泰岱騎誰瘦
馬渡黃河遨遊未必文章進勉向梁錐更揣摩

沂水次朱孝廉原韻

飄蓬無定宦遊身馬上吟詩此送春冰不知寒思
孝子王祥沂人水方可浴慕賢人數行古木青山遠幾
縷晨烟白屋貧底事襟懷浮爽氣夜來小雨壓輕

塵

過郟城

雲淡何處望京華紅日西飛掛樹斜立馬讀碑郟
子國殺雞爲黍丈人家路傍土瘠多栽棗城下河
乾半露沙久矣不來風景別感今懷古一長嗟

題武侯故里

二表忠誠萬古哀秋風五丈不歸來到今婦子知
名姓豈獨兒曹十倍才

題于公宅

時擬補臬司

夙仰當年理覆盆人傳有宅舊基存此來將作明
刑吏能不深思駟馬門

望岱

插天翠色遠峻嶒曉夜王程未一登空道五更觀
日出懸知四海望雲興秦松漢柏仍何處明月黃
花峰洞第幾層七十二君封禪後至今人說有神
憑

水陸道中雜占十斷句

夢裡還家豈當歸今番真不與心違舟師殊解征

人意雙櫓齊搖兩翅飛

羅衫褪盡昔時紅滿眼煙波滿髻風數扇篷牕生
長慣可憐從未識閨中

相從二客共驅車日走長堤百里餘堤上人家全
是草客中供給半爲魚

馬蹄不似客心忙不見人家覺路長紅日一輪塵
十丈義漿到口勝瓊漿

白蕎碾作絲千縷紅柿燒成玉一杯南國宦遊風
味別十年今又此邦來

城下橋邊勒石多使君遺愛果如何良工斧鑿須
精巧恐剩前官字未磨

旋雪迴風折舞腰大人肩立小兒曹看場圓處紛
如蟻別調新翻節節高

白紵長巾蕩不休三絃四板趁歌喉勸人更進郵
亭酒秉燭還須夜夜遊

道通南北往來頻增置茅堂一座新門外柳稍斜
日下當槽人喚掌鞭人

一鞭十日路三千水送山迎夜不眠驛卒何須愁

日暮如珪明月馬頭懸

蒙陰和題壁韻

匹馬蒙山道峻嶮落日黃那能傳幻術叱石盡成

羊

渺渺浮雲白漸漸大麥黃臨岐一長歎何處覓亾

羊

北上千里相逢君馬黃令人懷叔子小店亦名

羊

驛路春光盡柴門月色黃酒醒孤榻冷重着舊羔

羊

四月望日 陛見便道歸里

十六年中屢變遷歸來風景獨依然蘋坡莊

荒瑩莊名

對山仍碧花豫樓

寒舍樓名

栽樹已圓後輩幾多驚白

髮故人強半屬黃泉此行猶作趨朝客空負園

林待我還

在園午日

舊是帝京人今為宦海臣還家逢令節樂事敘

彝倫萱草堂前茂芝蘭雨後新半生仍碌碌何以

報君親

賦答北平僉事祝渭公次原韻二首

諸葛莊南一介農大夫之後許相從我當滄海無

窮際君在青雲第幾重雅量還能吞巨浪清吟直

欲並高峰今宵細把鬚眉看不是尋常夢裡逢

一節雙旌按九畿名成暫向白雲歸郊原每策尋

詩杖縞素新裁讀禮衣暇日有言能見道壯年無

事不知幾但愁四海蒼生望未許逍遙舊釣磯

渭公齋頭分韻得疎字

重門深閉小堂虛中有高賢號且漁半壁雲山詩
可畫滿園草木月堪鋤旋開瑤甕新筍酒共檢牙
籤舊讀書相對君家兄弟好風塵殊媿二毛疎

暢春園引 見恭紀

虎節龍旌護苑墻要知墻外即農桑青來別殿山
光近碧繞層臺水韻長上將更番齊劔佩大臣奏
對整冠裳海濱末吏今何幸也許攜歸兩袖香

六月十三日出都留別親友

還家松菊喜猶存更駕星輶出 國門東浙舊遊

三待罪

余三任浙江

西江

新命兩承

恩

前會移九江副使

前途漫道逢迎少此日難忘笑語溫
菡萏池頭楊柳岸一時倒盡故人樽

夜發

為避午炎蒸迎涼夜半興開門遊子月掛壁主人
燈僕倦眠方熟雞棲唱未曾那知鈴響處有客已
先登

果莊即事

小憩莊西廟風涼樹影圓喫烟求艾火
俗以艾結繩引火

和麪得甄泉炒米為麪和水飲之旅客情驩甚鄉
人意藹然炎天逢冷地寧不儘流連

河間道上卽事

茅舍泥墻白板門居民淳樸古風存編蒲作扇誰
家女結草為冠此處村市上雞豚爭晌午塵中車

馬亂黃昏釐湯蜜汁求難得東坡詩酸酒如釐湯
甜酒如蜜汁此地俱

無惟醜薄隨俗明流破一樽燒酒而已

偶成

眼前山水驚如畫腕下丹青歎逼真是畫是真渾

莫辨冷將此意質詩人

題阜城僧舍

夏木陰濃梵宇新敲門恐惹老僧嗔法雲繚繞三

千界童子呶唔六七人寺有義塾難得箇中逢白足何

妨此外卽紅塵龕前一樹榴花笑不咲書生笑客

身

平原同張蒞生吳謙侯作

並馬平原道停鞭問土風村醪斟小白沙果擘新
紅高塢層雲外垂楊細雨中奚童不解事報道客

囊空

晏城卽事

驛路三千里郵亭六月時驅蠅難合眼飲水易傷
脾屏列無皴画墻題卽景詩來朝初伏盡行以四
更期

汶水阻渡示主人兼東州牧

長驅六馬問津來昨暮烏雲曉未開河勢已愁添
巨浪雨聲猶苦帶輕雷居民渡客浮雙甕野老畱
賓欸一杯兀坐茅堂成獨笑長官空有濟川才

山行口占

前村猶被曉雲迷草淺沙深沒馬蹄知是山中連
夜雨一重崗過一條溪

喜晴

雨霽空山道槐花六月秋風驚蟬抱葉日帶雀喧
樓洗出群峰翠添成滿澗流頓忘行役苦爽氣拂
吳鈞

新泰夜行

整陽知在望着眼未分明月向山頭吐詩於馬上

成是誰談往事有客計遙程好待秋風起扁舟鐵

甕城

立秋日可至京口

距郟城北十里有傾蓋亭北門內有問官故

里皆昭公十七年 夫子適郟故蹟也辛

巳七月朔余復過此再賦五言一章

僻地一何幸昔曾經聖人問官析疑義傾蓋結交
親唯聖所過化唯聖所存神所以百世後俗美而
民淳昆明灰是劫滄海波揚塵獨此一片土萬古
跡常新

次高郵

來駕輕車去轉蓬人家無恙夕陽中柳曾贈別三
春綠槿解迎還六月紅城下小兒群戲水堤邊大
婦各臨風五加皮豈尋常釀一貫青蚨急遣僮

白門贈佟鍾山同官

帝念長才小用黔

新恩更簡大江南

由黔臬寸調任

衷執法常居一期月成名不待三庭有餘閒松寂
靜門無私謁燕呢喃英年蚤負夔龍望步後塵人
白髮慙

過報恩寺感舊

依舊浮屠九級圓飛騰無復興翩翩而今想像成
春夢當日登臨是少年六代繁華雲漠漠前朝事
業草芊芊梵王宮殿何深幸金碧重輝鎖淡煙

偶書所見

由來稼穡事艱難龜坼田疇更不閒說與北方人
肯信桔槔中有一雲鬢

入浙江界口占

微風斷岼草萋萋鴨嘴船輕雙櫓齊搖盡江南江

北路王江涇近日平西

嘉禾小泊

已報嘉禾近黃昏復此畱停橈群待月欹枕獨吟
秋勢緩知風定聲微覺雨收殷勤語舟子來日擬
杭州

舟中漫成二絕句

三伏了征鞍秋風船上起年來數卷詩半出長途
裏

雨後蛾眉月風中鴨嘴船船頭人獨立野水大於

天

留別杭州諸友

每嫌人細喜人粗雅合襟懷興不孤堤上柳濃春
驟馬酒邊燈燦夜呼盧二三子會何時也十七年
交一日乎幾欲相拋仍戀戀勾留不獨是西湖

雨後

雨後羅衣不耐涼一潭秋影澹斜陽征人却為農
夫慶豆莢初齊稻穗長

溪山

溪山寂靜樹黃昏賴有明霞一兩痕正苦草荒迷
去路忽逢烟起得前邨

題却金館

明何文淵為東甌太守去任至此屬吏有餽金者却之因得名

守郡監司十四年謾言行李去蕭然無煩人贈無
煩却檢點囊中有俸錢

別桃花洞戲成六言四韻

源在天台深處洞懸馮嶺前頭已學劉郎再度休
言曩倩三偷送客群峰色淡愴人流水聲幽悵望
情如有失躊躇勢不能留

出甌栝境上作

媿無膏澤下於民兩郡空留十四春

余于戊辰守栝丙子巡東

甌距辛巳十四年矣

今日想如前日事昔年來是少年身久

攜白鶴成知己乍別青山似故人眼底依依皆赤

子一回顧處一沾巾

男

均培

全校字

葛莊詩鈔卷十五終



